

Skátne Ionkwarihwanonhwé:’on Iakwaská:neks Tsi Naiohtónhake ne Kahnawà:ke

Nó:nen 2029 sheniohseratátie, akwé:kon ne Kahnawà:kehró:non ionkwaterién:tare tánon ieká:ien tsi ionkwa’nikonhraién:ta’s tsi nahó:ten ionkwaterihwaién:ni, ó:ni tsi niionkwarihò:ten tsi tionkzvehón:we. Tho ní:ioht tsi tewatathá:wi. Kanien’kéha ionkwáhthare tsi ionkwanonhsó:ton tánon ne kanatakónhshon. Tsi teionkwáhthare ne onkwazwén:na, tánon tewatsterístha tsi niionkwarihò:ten’s, tho néntewe enionkwaia’tahnirónhake tánon tenwaterihwaré:ni tsi Kanien’kehá:ka niterwaia’tò:ten. Ne ionkwahá:wi tsi nahò:ten ionkwarihonnién:ni ne Kaianere’kó:wa, né:’e ne Skén:nen, Ka’satsténhsera tánon Ka’nikonhrí:io.

Akwé:kon skátne í:ken ne Kahnawà:ke, tsi ní:ioht tsi teiakwatawén:rie, tsi ní:ioht tsi iohtentionhátie ne onkwakoráhtshera, tánon tsi ní:ioht tsi tionkzwehtáhkzen ne onkwatóhnhets. Akwé:kon skén:nen tsi tetewatatká:nere, tánon tetewataterihwakzweniénstha. Iotenatátkzweniens ne onkwaná:takon tánon iah káneka thé:nen teiótteron. Tewathwatsiranorónhkhwa, Ienterwakón:tahkwe skátne enkénhake tsi na’tetewátere. Ratiia’tanó:ron tánon iakhiniáhé:sen ne thiotí:ien’s. Iethi’nikón:rare, iethinorónhkhwa tánon ioiánere tsi iethiiehiá:rons ne iethiiien’okón:’a. Iohahí:io tsi nia’onkwzenonhátie, ionkwa’nikonhrakarí:te, ionkwata’karí:te tánon terwa’nikón:rare ne onkwatóhnhets. Wehnéhsstha tsi ní:ioht tsi tionkzwehtáhkzen nó:nen enterwatia’taró:roke tánon eniakzwarihóhietste tsi niionkwarihò:ten’s.

Iakwatathá:wi tánon í:i tiakwanónhtons tsi ní:ioht tsi iohtentionhátie ne onkwakoráhsra ne Kahnawà:ke. Nok ó:ni ne thé:nen aonte’shennaién:ta’ne ne ioiánere. Akwé:kon shia’tethonátte ne onkzvehishón:’a. Onkzwe’tà:ke niterwéhttha ne onkwakoráhsra, né:’e terwanónhtons tsi nonkwá:ti nia’onkwzenonhátie. Iah ónhka tha’tiethikà:nere ne aionkhiiatohnhisákten. Kén:’en akwé:kon tkaniarotáhrhon. Kowá:nen ne onkwzenhóntsa, tánon akwé:kon ne ón:kzwe iakote’shén:naien ne aiontshenónnia’té. Akwé:kon ne Kahnawà:kehró:non ionkwateweiénston tsi nihotirihò:ten ne ákte nithoné:non, nek tsi tionkzwehtáhkzen ne í:i onkwanonhtonniónhtshera.

Iethirihwakzweniénstha ne Ionkhi’nisténha Tsi Ionhontsá:te. Iethirihwakzweniénstha ó:ni akwé:kon ne onkzvehishón:’a ne skátne terwanákere tsi ní:wa tsi ionhontsá:te. Enterwanónhstate ne Onkwanakéráhsra, tánon í:i tsi niterwanonhtonnionhtsherò:ten enwátston ne thé:nen ia’tenkarihwaién:ta’ne. Terwaná:ie tánon tiótkon ohén:ton ia’tetewakà:nere.